

A pud Venetias autem qui quadraginta dies absque ullo cibo vivat, idque anniversarium celebret iejunium, adhuc supereesse prohibetur: plurimos noui qui eum se vidisse, atque rem ita esse testantur. Nam quod in inferiore Germania audiui, mulierem apud eos esse, quæ tricesimum ætatis annum, nihil unquam cibi sumens transegisset, mirum magis quam credibile est: Sed horum & similium vna est doctrina, Tullio dicente: In re noua atque admirabili, inuestigato si potes: si nullam reperies causam, illud ramen exploratum habeto, nihil potuisse fieri sine causa, cumque errorum quem tibi rei nouitas attulerit, naturæ ratione depellito: Hoc ille.

ALIVD.

At quoniam prima pars tractatus huius, erat de omnibus, attingam, quod cum Bononiæ adolescencie in studiis versarer audiebam. Azzo Vicecomes, qui post Mediolani dominium obtinuit, iuuenis nempè victoriosus, antequam podagris vinciretur, iussu patris profectus, cum exercitu Apenninum transiit: Et viatis omnibus apud Altipassum, Duce quidem ho-